

## REGULAMENTU PO SU CUNFERIMENTU DE SA CITADINÀNTZIA ONORÀRIA

### ART. 1

Custu regulamentu disciplinat sa cuncessioni de sa "Citadinàntzia Onorària", destinada a genti in vida chi s'est scerada in mesu a tanti me is is àmbitus e fainas pùblicas e privadas.

### ART. 2

Su Comunu de MÒGURU ponit in pràtica s'Istitutu de sa "Citadinàntzia Onorària". Custu istitutu est un'arreconnoscimentu onorificu po chi, mancai sena de essi iscritu in s'anàgrafi de su Comunu, si siat scerau in mesu a tanti in su campu de sa scièntzia, de is literas, de is artis, de is stùdius, de s'indùstria, de su traballu, de sa scola, de su sport, cun iniziativa de caràteri sotziali, religiosu, assistenziali e filantròpicu o in òperas, circas, impresas, faiduras, prestatzionis in favori de is bividoris de Mòguru o in atzionis de balori artu a bantàgiu de Sardigna o de totu s'umanidadi.

### ART. 3

Sa "Cittadinanza Onoraria", si cunferit intregghendi una pergamena chi atestat s'iscritzioni simbòlica in sa populatzioni de sa Comunità de citadinus finas stràngius chi si funt sceraus me in is campus e po is fainas chi funt in s'Art.2 de prima.

Est su Consillu Comunali chi dda deliberat in sètzida pùblica.

S'àutu de cunferimentu at a depi portai s'inditu de s'arraxoni po chi si donat s'istitutu. Sa delibera depit portai in prus de is arraxonis finas sa bibliografia de su beneficiàriu.

Sa "Citadinàntzia Onorària" no inferrit in modu perunu sa positzioni anagràfica de su beneficiàriu e non donat tìtulu a arriconnoscimentus economicus de nisciuna arratza.

Sa proposta po donai sa Citadinantzia Onorària dda podit intregai su Sìndigu o cali si siat Consilleri Comunali. Sa sinnalatzioni po donai sa Citadinàntzia onorària dda podit aici etotu intregai cali si siat Enti, assòtziu, Istitutzioni o tzitadinu a solu nàsciu o residenti in Mòguru.

#### Art. 4

S'est istituui s'Albu de is Citadinus Onoràrius de su Comunu de MÒGURU, innui ddui funt iscritus totu is chi ant tentu sa "Citadinàntzia Onorària ". S'iscritzioni est in òrdini cronològicu de cunferimentu e at a depi portai sa firma de su beneficiàriu po dd'ai acetada.

S'Albu at a depi inditai is datus anagràficus de is interessaus e is datus de is provedimentus de cuncessioni de sa citadinàntzia e sin di at a incurai su funtzionàriu responsàbili de s'Àrea de su Setori Afàrius Generalis e Istitutzionalis.

Sa "Citadinàntzia Onorària" dda cunferit su Sìndigu in una tzerimònia ufiziali anantis de su Consillu Comunali atobiau apostata in sètzida istraordinària e pùblica.

#### Art. 5

Su Comunu, in ocasioni de arricurrèntzias o tzerimònias ufizialis de spicu, podit cumbidai is citadinus onoràrius chi ant a teni su deretu de si setzi acanta de is autoridadis.

#### Art. 6

Totu is òneris chi pertocant sa faina chi custu Regulamentu disciplinat torrante in s'àmbitu de is spesas chi tocant a su Setori Afàrius Generalis e Istitutzionalis de su Consillu Comunali.

Custu regulamentu intrat in vigori apustis de sa publicatzioni sua in s'Albu de su Comunu chi durat 15 (cuindixi) diis.